

習靜軒詩文集

八冊之一

南來集卷一

奉天鰲圖滄來氏著

卞勇 周緇

受業 孫化龍 周名芳

傳運昌 崔之峻 校刊

徐泰 陸模孫

古今體詩八十三首

長新店別霄來 乾隆五十年十一月初十日自京起身來江南

鞭指長新店南來第一程
親朋猶眷戀車馬已縱

橫。只為傷離抱。翻令淡宦情。獨持弱弟手。言不盡平生。

三家店

行程三日三家店。為探知交緩一程。風色漸寒天
色晚。近村車馬雜人聲。

訪王
遊府

文丞相祠

丞相祠堂何處尋。

用杜句

白溝河畔樹陰森。當年事

業隨流水。今日莊嚴依斷岑。至死不忘一塊肉。如
生足愧二臣。心庭芝已死。厓山陷。弔古無端泪滿

襟。

宿雄縣

千里平康氣。乍收歸。然一縣繞寒流。南關繫馬容
棲止。回望燕雲十六州。

雄縣逆旅懷霄來用壁上韻

別弟已三日。忽焉天一方。途長羸馬殆。風緊暮雲
黃。默默青燈下。淒淒古縣旁。因看題壁句。感我思
徬徨。

過鄭州

千里攜家作遠遊。衝寒冒雪感離憂。長橋橋畔冰如鏡。五鼓驅車過鄭州。

任邛道上觀樹掛

日光。纔。上。雞。聲。歇。寒。氣。逼。人。緊。一。程。雪。勢。霜。威。隨。霧。結。梅。花。萬。樹。擁。車。行。

道上思親

投宿荒村夜已深。五更霜雪鬢邊侵。若令父母今仍在。千里長途千里心。

宿二十里堡

堡以道里計。蓋去府治論府治何其廣。於見太守
尊太守專城寄。莫非

天子恩。我來宿郊外。雞犬千家存。寄言司牧者。何
以勤撫循。

河間道上懷王野航

一日思君十二時。

用唐句

篋中規我有新詩。料應屈

指河間道。風雪長途一故知。

景州道上懷何東閭

日暮景州道。心閒懷故人。憐君多寂寞。嘆我走風

塵。此去踪無定。行看歲又新。局中長守黑。深羨爾

中身。

東閣
好爽

過阜城

五更起月逐寒烟。一路行車緊著鞭。霧鎖雲屯人
寂寂。阜城一邑正高眠。

景州浮圖

浮圖高十級。遠出雲漢間。地勢一收束。已入景州
關。城控山之左。車馬日往還。何當一登眺。極目見
泰山。

腰站戲和壁上韻

南來日日趨輪蹄。征鐸迢迢日又西。容容何妨屋
敝陋。禦寒寧問酒高低。乍閒翻觸胸中事。已睡仍
浮面上泥。最是五更茆店月。怕聞海上一峰雞。

舊縣和壁上思親原韻

當日攜籃赴棘闌。二人倚戶盼兒歸。而今遠去
三千里。北望空餘泪染衣。

舊縣山路

南來十日走風沙。雷轉空山聽碾車。敗葉枯枝千

萬樹茆。簷石壁。兩三家。老翁賣酒懸青苧。少女窺
門簪紙花。駐馬多情問土俗。陽坡歲歲種甘瓜。

桐城驛道上懷弟妹

南下辭家已十程。衝寒冒雪日長征。遙知弟妹團
圍坐。共憶長途一老兄。

宿汶上

汶上界齊魯。我來宿東關。東關何所有。茆屋兩三
間。薄酒不可醉。攜僮自往還。日色懸西峰。引領見
泰山。

孟廟

五更羸馬正加鞭。鄒邑蒼茫在眼前。夜色半闌霜滿地。星光將斂月當天。一心向道宗時聖。千里而來拜大賢。誰謂七篇多好辯。萬年統緒辯中傳。

過滕邑看施粥

滕邑有賢宰。而能救歲荒。饑民多一飽。縣宰少一糧。糧去秋收可再得。民饑老羸欲流亡。因知

國家立法無不善。要在行之得其方。果以實心為實政。何憂不能格。

上。蒼嗟予五世荷。

天寵祖父到處賢名揚。今茲為宰江南去。是在各
自捫天良。邑侯不知為誰氏。所當擇其善者挹其
芳。

過東平

東平城最峻。遙望堞如雲。北去山形拱。西來水勢
分。趨墟人瑣碎。登路客紛紛。日挂東峰上。遙瞻泰
岱雲。

過匡丞相故里

嶧縣

嶧陽間氣鍾前哲。今日風塵過舊圻。兩漢英賢傳
抗疏。千秋人望有豐碑。漫漫長路天將暮。軋軋車
聲客到遲。欲訪傳經迷故宅。蒼烟攢樹草離離。

過荀卿故里

道一生萬論何真。一意孤行講義仁。魯國有賢資
寇敵。楚王無目使清貧。東來泗水聲猶澁。南去長
途草欲新。此日摩碑識姓字。欲書黃絹難才人。

過劉參軍伶墓

嶧縣

一醉千秋獲美稱。螟蛉蜾蠃嘆浮生。生時原望身

埋土歿後何須石刻名東望經儒餘故址相匡丞西

依說士有佳城荀逸勞得失誰分辨樂得先生酒

滿巵

邳州懷古

邳部城居南北中古來割劇戰爭同西環湖水涵

雲白東抱叢山映日紅策馬長歌懷烈士當關灑

泪弔英雄如何已入江南界風雪交加透骨風是日

極寒

過徐州懷古

入境風來暖似春。叱牛遠遠見山民。不成村落離
為院。隨意棲遲草作茵。霧斷幾重雲上樹。水環四
面鏡中人。臨風忽憶陶公祖。故國依然歲月新。

維揚早發

朝日初升烟乍消。車聲軋軋馬蕭蕭。東風得意前
程遠。行徧江南廿四橋。

河上遇風

是日舟幾覆者再

傍晚長隄解小船。渡頭攢楫起炊烟。北來雲急風
掀樹。南去河長浪拍天。只有微軀堪報

國何須九折。做前賢。三更浪靜。星光燦。直到高郵。
未得眠。

江上

萬頃洪濤起。白烟烟中點點見行船。折風驚似帆。
沾水逆浪看如人上天。放棹笙歌思後主。連營割
劇吊孫權。古來多少興亡事。今日空餘嘆逝川。

揚州形勝

維揚形勝。歲初新。十二城門遠綠津。鑿甕焚香供
五道提筐。擇菜趁三春。平山堂裏饒遊客。明月樓

頭集玉人。嘆我年來憔悴甚。把杯不敢醉芳辰。

泰州早發

東臺東望霧烟中。烟霧初消水接空。旅迹又行百
里路。舟人惟趲一帆風。麥經新雨無邊綠。酒上愁
顏只管紅。雛妓隔窗頻送盼。轉憐不過為貧窮。

赴儀查賑河上遭風

賑闕百姓命。奉檄即登舟。泰郡初歸客。儀徵又遠
遊。斜帆浮水面。單槳避風頭。除却勤勞意。難酬
聖澤優。

儀徵路上遇雨

肩輿長路雨紛紛。雨落湖心簇細紋。
太素河邊舟絡繹。高旻寺裡霧氤氲。
紅裙結伴剗新菜。白鷺聯行渡野雲。
路過竹西風颯颯。鷓鴣聲老不堪聞。

登天寧寺塔

在儀徵城中

七級浮圖插太空。置身雲外立當風。
西來舟楫波濤裡。南面峰巒天地中。
是處竹皆千葉綠。誰家梅尚一枝紅。
憑高北望懷諸弟。何日登臨攜手同。

瓶梅